

Haitio bezonas kaj meritas pli da rimedoj



Ilustra bildo: radiocubitas.icrt.cu

De Roberto Morejón

Haitio suferas seriozan krizon pro la pliiĝo de perforto, asociita kun malriĉeco, sed meze de tia malstabileco Kubo ne forlasas sian kunlaboron.

Tion konfirmas la planita restado en la plej granda el Antiloj de nova grupo de haitiaj bakalaŭraj kaj medicinaj studentoj, kies celo estas studi specialaĵojn en prestiĝaj lokaj institutoj.

La elektitaj junuloj, kiuj aliras specon de edukado, kiu estas tre malfacila por malriĝaj homoj, havas la engaĝiĝon reveni al Haitio por labori kiel profesiuloj post kiam ili diplomiĝas.

Ĉi tiu ne estas la unua tia operacio, ĉar pli ol 1 300 kuracistoj, teknikistoj kaj aliaj sanspecialistoj el la lando de Toussaint-Louverture estis trejnitaj en Havano kaj aliaj urboj de ĉi tiu insularo.

El la lando de José Martí, solidareca kunlaboro estis disponigita al la najbara lando en sentemaj sferoj kiel sano, edukado, agrikulturo, sporto, energio kaj akvoresursoj.

Per kubaj programoj, pli ol 448 mil haitianoj sukcesis lerni legi kaj skribi, progreso kiu helpis ilin alfronti la malfacilan lukton por ĉiutaga vivtenado en scenaro karakterizita de la malforta ekonomia situacio kaj senlaboreco.

Same, pli ol 1600 junuloj estis trejnitaj en kubaj universitatoj, dum centoj da kuracistoj kaj teknikistoj vojaĝis al la apuda montara teritorio el Havano kaj aliaj urboj.

Kun la logikaj anstataŭaĵoj, kuba medicina brigado restas seninterrompa en Haitio ekde 1998, kie ili plenumis laboron de alta teknika kaj humanisma nivelo.

Dum eksterlanda interveno en 2004, la tertremoj de 2010 kaj 2021, la ĉolerepidemioj, la Covid-19-pandemio kaj la nuna malstabileco, haitianoj povis aliri kubajn sanservojn.

La loĝantoj esprimas dankemon pro la ĉeesto de profesiuloj de tiu nacieco, kun sia amika traktado, kaj komprenas, ke tio estas taĝa formo de helpo al lando kun rimarkinda historio en la Amerikoj.

Hodiaŭ, Haitio postulas realan kaj signifan helpon kaj kunlaboron por postlasi jarcentojn da ekspluatado, rabado, eksterlandaj intervenoj kaj malriĝeco.

La dessalinanoj serĉas en tre malfacilaj kondiĉoj manierojn por akiri pacon, ĉiam kun plena respekto al memdeterminado kaj sendependeco.

Internacia helpo estas bonvena, sed senkondiĉe.

<https://www.radiohc.cu/eo/especiales/comentarios/363736-haitio-bezonas-kaj-meritas-pli-da-rimedoj>



Radio Habana Cuba